

06 歌睷日

蔡瀚儀¹

歌睷日阿爸定會恁阮四界去迺迺，這擺阮欲去看水筆仔。水筆仔生長仔淡水河的出海口，這是一種真特別的樹仔。阮小弟阿明上歡喜，因為個自然課挂咧教水筆仔的生態，伊足想欲去看到底水筆仔是按怎咧發類生淚？雖然捌聽人講過，毋過嘛是猶指無摠頭，不如親身去看較實在。

阮規家坐捷運去到紅樹林站，來參觀生態館的人誠濟。

先看水筆仔生態的影片，予逐家對水筆仔有基本的認捌，導覽才閣恁阮去生態保護區參觀。哇！看過去規片攞是水筆仔，有一條柴枋釘的步道，彎彎幹幹順河邊行過去，沿路雙引的水筆仔發甲誠茂。樹仔頂一枝一枝親像毛筆的水筆仔因生誠濟，有的落下來挂好插咧爛塗裡，就生根發葉佇遐大樣，若落佇水面的就綴流水流出去。

流水逐工會來來去去，佇水面的水筆仔因就會綴個四界去，覓去河岸邊，覓到溪仔墘。佇遐咧歌睷的時，毛蟹看著講：「蹣咧啦！遮有誠濟朋友佻你做伴，你才袂孤單。」水筆仔因誠歡喜就佇遐蹣，就按呢一代一代生淚落去，無佻久就成做一片紅樹林。洩流的時，大管仙、海和尚、海蛇蜆攞出來賴賴趁。兩尾花鰱咧相偃，共尻脊骹的旗仔禰甲若親像船帆，樹林跤闊熱滾滾。上趣味的就是兩隻擇白

扇仔咧相戰，共大管跤擇懸咧相嚇驚，有夠風神。導覽講，拍輸的有時陣會共大管跤擲咧做伊旋。伊閣問講：「減一股管無武器，後擺欲按怎佻人相戰？」小弟隨擇手應講：「伊會閣發一股全款的大管跤。」導覽賞伊一張擇白扇仔的貼紙，逐家閣共拍嘆仔呵咾。

白鴿驚俗海鳥佇海埔仔咧討食；毛蟹佇塗空漬出漬入真無閒，跤手真猛掠。阿爸講：「跤手若慢鈍連鞭就予海鳥捅去！」

阿母講：「歌睷日來紅樹林看毛蟹挖塗空、看花鰱佻石貼仔有啥無全款？加捌一寡常識才袂讀死冊。」欲暗仔海邊全紅霞，一陣一陣的海風吹來，有一種魚仔的臭臊味。阮坐佇捷運頂懸，窗仔外的水筆仔咧共阮攜手，若咧叫阮有閒才閣來迺迺。

¹ 蔡瀚儀(Tshuà Hân-gí)